

Lio Capriles durante re-apertura di oficina principal di CMB:

"Politica enfermiso tin desaroyo di Aruba stanca"



ORANJESTAD(AAN): -- Presidente di Maduro & Curiel's Bank y Caribbean Mercantile Bank Lio Capriles tabata na Aruba ayera, pa re-apertura di e oficina principal di CMB den Caya Betico Croes.

Den e ultimo lunanan aki, e oficina principal di Caribbean Mercantile Bank a wordo renova y a haya un cara completamente nobo.

Den su speech, señor Capriles a bisa cu e ta contento pa mira cu e trabaoonan di renovacion a keda cla.

E ta kere cu e placa hinca den e oficina di CMB lo no solamente produci mas ganashi pero ta muestra alavez di e responsabilidad cu e banco ta sinti pa Aruba.

Aunke e ta contento cu e renovacion, señor Capriles tin sentimentonan mixto pa cu Aruba.

Esaki pa motibo cu el a ripara cu cos no a bay dje bon ey pa Aruba e aña aki, loke e ta haya hopi pica.

E ta considera Aruba un pais bendiciona cu posibilidad pa fungi como un ehempel di desaroyo pa area di Caribe y pa otro paisnan na mundo.

Pero e manera cu '97 y e prome cuartal di '98 a bay a pone pensa cu Aruba a perde su vert, asina Lio Capriles ta bisa.

Segun señor Capriles, a pasa demasiado cos laf na Aruba cu a frena progreso y

a daña e clima di inversion.

Su palabranan: *"Mi no tin mester di menciona nan un pa un pero hecho ta cu e cosnan aki a kibra e positivismo den hopi sector, tanto na Aruba como den exterior. Pero e cos di mas negativo y peligroso cu ta frena un bon desaroyo ta, cu Aruba a bira politicamente enfermiso".*

Segun Lio Capriles, politica enfermiso a penetra mas cu nunca den tur skina na Aruba, tambe pafor di e temporada di eleccion y formacion.

E mentalidad di "si bo no ta cu mi (ni maske kico mi ta haciendo), bo ta contra mi" a bira regla na Aruba.

Señor Capriles: *"Door di esaki a bin un gevoel peligroso na Aruba caminda tur hende, tur grupo y tambe prensa, no kier duna nan opinion o bin cu un idea nobo pa miedo di represaya. Mi ta kere cu miedo pa represaya ta e cos cu mas tin desaroyo di e bunita pais aki stanca. Mi ta ripiti, ta hopi pica pa-sobra Aruba tin tur posibilidad di mundo".*

E ta contento cu no obstante e direccion tristo cu Aruba ta bayendo, CMB tabata tin un bon aña.

Segun e, esaki ta prueba cu un negoshi cu ta duna servicio optimal, cu ta trata su personal bon y na unda tin union y comprension, ta prospera.

Den e aña cu a pasa, CMB

a traha un superbranch na Aeropuerto Reina Beatrix, a pone varios bancomatico nobo y a sigui cu su compromiso social cu comunidad.

Señor Capriles ta splica cu CMB tin hopi plan pa 1998.

Entre otro, sistemanan moderno pa traha cu mas eficiencia y brinda mas servicio, programanan special pa trahadornan, extra tempo liber pa empleadonan cu ta mayor y extra tempo liber pa trahadornan cu ta yuda cu trabao social na Aruba.

Tambe CMB tin un plan "chevere" caminda riba cada transaccion, banco ta haci un donacion na un organizacion social cu ta traha pa desaroyo di hubentud.

Riba foto, señor Capriles durante e conferencia di prensa.

DOWCO

10% - 50%

LABOR DAY

April 20 - April 30

DAMAS

Shimis
Blusa
Slacks
Short
Shortset
Sapato

DOWCO

CABALLEROS

Camisa
Carson
jeans
Short
T-Shirt
Sapato

Special **10%** riba
Paña interior
manera Jockey,
Fruit of the Loom
y Van Heusen.

Special **10%** riba
tur sorto
di tela.

DOWCO

DOWCO

DOWCO

DOWCO

Cura Cabai - Oranjestad - Sta. Cruz - San Nicolas.